

中國方志叢書·華北地方·第三九七號


據

民國·劉玉璣、仇曾枯修，胡萬凝纂
民國二十年鉛印本

影印

山西省

太谷縣志



sk19/04

成文出版社有限公司印行



10094258

齊

商

歸

光

民國廿年歲
迄辛未秋四

中國方志叢書·華北地方·第三九七號


據

民國·劉玉璣、仇曾祐修，胡萬凝纂
民國二十年鉛印本

影印

山西

太谷縣志



成文出版社有限公司印行

5/19/04



中國方志叢書·華北地方·第三九七號


據

民國·劉玉璣、仇曾枯修，胡萬凝纂
民國二十年鉛印本

影印

山西

太谷縣志



5/19/04
成文出版社有限公司印行



中華民國六十五年 月壹一版

太谷縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

新修太谷縣志序

民國七年秋余來守太谷入其境見村落闐密有民物殷阜之象至其邑見闐闐輻輳有崇墉比櫛之美及與此邦人士接談兼討求其掌故知人才輩出邑多善士而不慮夫難治市肆鱗集術尙計然而不較及毫末洵風淳俗厚泱泱乎猶有陶唐氏之遺焉惟是庶富之餘競尙禮讓儀文不免於繁縟寬裕之家踵事奢華用度胥流於侈靡有識者愍焉憂之余適於斯時莅宰斯邑爲因地制宜因時施政之計於固有之道德則保存之於習俗之偏畸則補救之然卒以棉力未克收效於萬一荏苒九載毫無建樹所恃

以維持現狀幸無大隕越者皆地方人士之力也因念縣之志猶國之史凡一縣之興替政治之因革繫焉苟不詳審夫紀載何以昭示于來茲矧自有清光緒十二年志之不修歷寒暑三十有八矣中間國體之變更制度之改革人事之升沉天時之警告以及典章文物尤不可不詳加蒐輯以爲一邑文獻之徵爰於民國十三年設立志局議定體例自光緒十二年至於清末則敦請孫子弼予以爲之續誤者剔之缺者補之例仍其舊義取其嚴都爲續稿八卷續稿甫脫余亦去職自民國紀元至於今則由繼任縣事者劉公小瀛延胡子瑞五參照省頒條例以賡其成計共全書八

卷以方輿冠其首而以外編次其末蓋距余去已三年矣書成將付梓經理局事者徵序於余余惟太谷之在曩昔爲殷箕子晉處父故邑忠孝義烈之流科第仕宦之盛炳旂常而光里閭者於他邑爲獨著至持籌握算善億屢中講信耐勞尤爲谷人特色自有明迄於清之中葉商賈之迹幾通行省東北至燕奉蒙俄西達秦隴南抵吳越川楚儼然操全省金融之牛耳觀鳳山之清奇象水之瀲灩猶令人羨慕山川疆域之鍾靈而想見當日之勝況詎有清咸同以還國運日蹙谷人之牽車牛遠服賈於俄蒙地者損折大半近年毒逾鴉片之毒品接踵東來致多數人之精神資產胥

消耗無形此則都人士女所宜引爲深戒而今後之官斯土者尤當憂勤惕勵開民生之源申逸欲之防者也誠能嚴定教條力祛侈靡合民勞則思之古訓啟魯變至道之端倪則規復舊觀固不難矣是爲序

民國十九年歲次庚午孟冬上澣簡任職升用河北官產總處處長前署太谷縣知事垣曲安恭己撰

新修太谷縣志序

太谷之有縣志也，始於前明萬歷，訖有清一代重修者凡六七作。今所存只王郭章趙四志，其上焉者則久成廣陵散矣。予宰谷後，案牘之餘，間徵文獻知前任縣長安公僑乙曾稟呈省府開局重修。其時董局事者爲孟君石賓，主編輯者爲孫君弼予而孟君亦靈。趙君鐵山、胡君瑞五副之。以最近趙志纂於光緒二十二年，爰自是年起迄宣統三年止，凡二十六年得書八卷，是爲續志。惜稿甫脫，未及鋟版而安公解組，局事遂歸停頓。予維志也者，史之流也。周禮春官小史掌邦國之志，今國史一統志是外史掌

四方之志今直省通志及府州縣志是漢以前如周書鄭志久已
渺焉無徵班孟堅仿史記八書而爲十志其一曰地理范蔚宗改
名郡國實亦志地理也若郡國書之稱志則自晉常氏璩華陽國
志始惟志之於史紀載雖同而褒貶則異據事直書義例自見

安公續纂太谷縣志意誠美矣顧其書僅截至清末而止而共和
肇興將近二十年因革損益政體變遷應增加者視續志爲尤夥
爰集士紳議纂新志僉曰莫爲之前雖美弗彰莫爲之後雖盛弗
傳 安公續舊志於前我公撰新志於後均煌煌乎盛典也而今
之舉爲尤要蓋自入民國以來百廢俱舉政具畢張太谷以汽路

交通教育發展商賈雲集之區駸駸乎已進二等縣爲衝繁大邑
矣烏得無志予曰 安公宰谷前後凡九年其於文化也則正祀
典修雅樂宗聖學廣學校勤月課興禮讓厚風俗於武備也則修
城浚池月考武術組保衛團練在鄉軍里編保甲城嚴團警至厲
行六政屢辦要差保存古蹟提倡公益公園市場次第成立均爲
之不遺餘力而庚申辦賑之舉家誦戶絃雁門遼縣之警軍輯民
安其政蹟昭昭在人耳目間久道化成於斯爲盛予自維不敏握
篆以來兢兢業業夙夜祇懼凡前人之流風善政則將護之唯恐
失其有怠荒叢脞積久弊生者則補苴罅漏彌縫闕失休養生息

與民更始其間如北伐之役與夫歷次軍費特捐糧秣附加年徵銀近百萬圓諸承地方紳民愛助幸免隕越雖未敢云政簡刑清亦庶幾乎民安俗易此則予之可告無罪於箕城父老者也至此次纂志予以胡君瑞五前襄編輯熟掌故因敦請君主持局務并總攬編纂之任書分八卷首列方輿圖而以外編殿其末其編輯也根據前志及續志間參照省頒條例斟酌去留詞章必取其簡明義例悉衷諸至當縱不足媲美前修然於采風問俗徵文考獻備輶軒之使供國史之資倘亦不無小補焉稿未就適予調署永濟心常耿耿以未及觀成爲憾今冬當局同人以稿成付印走函

徵序時予以事留滯并門因念宦迹平生文墨久荒正如歷冬枯
葉雖經暖風其不能吹噓上枝也明甚惟重違諸君意且喜太谷
新志之幸得告成也爰書其緣起以告谷人士并與後來宰谷者
共勉焉是爲序

民國十九年歲在庚午孟冬之月簡任職前署理太谷縣事東光
劉玉璣小瀛甫叙於并垣旅次

大名鼎鼎

--	--	--	--	--	--	--	--	--	--

新修太谷縣志序

太谷古號陽邑爲箕子故里其忠貞義烈之風彪炳史冊代有傳人而經商異域講信耐勞足迹遍天下執各大埠商界之牛耳起家至數十百萬者尤爲谷人之特色故自明以迄有清中葉談三晉富庶之區者無不於谷首屈一指顧繁榮者衰落之始基侈靡者逸欲之媒介自辛亥以還各省商業彫殘煙丹之禍日烈不二十年間而谷之爲谷幾有江山不可復識之感惟古者今之師賢者愚之鏡是在當道者納民軌物舉文獻之有關治道足資邑人之觀感者引伸而表彰之以挽回頹運於不墮余自愧無文方慮